

S. THEOBALDVS CHRISTI MINISTER.



Sanctus Theobaldus eruditione & sanctimonia uitaē suo tempore insignis extitit. Itaq; in Alsatia Christum prædicauit, atque Ecclesias passim confirmauit. Eo tempore Rotharius secundus Argentinensis præsul claruit, atque S. Theobaldo familiaris extitit. Huius etiam uiri pietate Childericus Austrasiorum rex motus in sua ditione aliquot monasteria fundauit, atque ea Sancto Theobaldo instituēda commisit. id quod factum est anno Christi sexcentesimo sexagesimo. Cum hoc modo salu- tifero Dei uerbo multos ad uerum Dei cultum duxisset, atque suo exemplo uirtutē incumbere docuisset, tandem moriens magnum sui desiderium om-

nibus reliquit, atque cœleste gaudium intrauit. Anon in Argentin. Episc. Rothario.